



Saxtorph Didriksen
Inatsisartunut ilaasortaq, Siumut
-/Maani

§ 37 naapertorlugu apeqqummut nr. 98-imut Royal Arctic Line-mi inuttanut tunngasumut akissuteqaat

05-05-2014
Sags nr. 2014-098765
Dok. nr. 1565944

Apeqquternut matuma kinguliani akineqartunut qujavunga.

Postboks 1160
Tlf: 34 50 00
Fax: 34 55 05
3900 Nuuk
Email: pari@nanoq.gl
www.naalakkersuisut.gl

- 1. Royal Arctic Line-p pajuttaataanni ukiuni amerlasuuni aqumiut nunaqavissut "naalakkatut" atorfillit nunaqavissuunngitsunik taarsersorneqarnissai sumik tunngaveqarpa?**

Royal Arctic Line (RAL) angallatit naalagaasa nunaqavissut angallatit naalagaannik avataaneersunik taarsersornissaannik siunertaqanngilaq. Paarlattuanik maannakkut angallatit naalagaat maannakkut atorfeqartinneqartut piginnaanngorsarneqarnissaat RAL-ip sulissutigaa.

Umiarsuit pilersuisussat nutaat anginerupput, aammalu ilinniartitaanermut piginnaasanullu piumasaqaatit, maannakkut umiarsuarni nunaqarfiliartaatini atorneqartunut piumasaqaatinit, allaanerupput. Taamaattumik maannakkut inuttaasut umiarsuarnut nutaanut taakkununnga atorfinnut assigusunut toqqaannartumik nuunneqarsinnaanngiilat.

- 2. Royal Arctic Line pisussaava nunarsuarmioqatigiit isumaqatigiissutaat STCW 95 qulaatiinnarlugu nunatsinnut atuuttussanngortitsinissaminut? Allaat nunaqavissunut piumasaqaatit tungaasigut inorsiilluni?**

RAL-ip nunani tamalaani ilinniartitaanermut piumasaqaatit qulaatiinnanngilai. Umiarsuit pilersuisussat nutaat oqaatigineqareersutut maannakkut umiarsuanit atorneqartunit annertunerusunik ilinniartitaanermut piginnaasanullu piumasaqaateqarput.

Taamaattumik RAL maannakkut inuttaasut atorfeqartitamik ilinniartitaanerannut aningaasaliivoq. Ilaatigut umiarsuarni nunaqarfiliartaatini pisoqqani sulisunut tamanna atuuppoq, tassani RAL ataasiakkaanut naleqqussakkanik ingerlatsinissamik kiisalu inunnut aalajangersimasumik atorfeqartunut ilinniaqqinnissamik kissaateqartunut aningaasatigut tapersersuinissamik neqerooruteqarluni.

RAL ilisimatitsivoq maannakkut umiarsuarni nunaqarfiliartaatini atorfeqartut, eqqortumik ilinniagaqarsimasut imaluunniit qaammatini aggersut ingerlaneranni eqqortumik ilinniarsimalersut, kisianni periaatsimi pineqartumi misilittagaqanngitsut, sapinngisamik atorfimmi qaffasinnerpaami atorfinitsinneqassasut, tassuunatigut pisariaqartunik piginnaasaqalersinnaassallutik. Maannakkut umiarsuarni nunaqarfiliartaatini angallammi aquttoq, umiarsuarni aquttutut allagartaqartoq imaluunniit sætteskipper-itut allagartaqartoq, assersuutigalugu kingusinnerusukkut qaffatsinneqarnissaat siunertaralugu aquttutut atorfinitsinneqassaaq.

Inussiarnersumik inuulluaqqusillunga



Steen Lyng